



Na osnovu člana 50. Poslovnika Predstavničkog doma Parlamentarne skupštine Bosne i Hercegovine i člana 44. Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 33/06, 41/06, 81/06, 91/06 i 91/07), **Zajednička komisija za ekonomske reforme i razvoj Parlamentarne skupštine Bosne i Hercegovine**, na 8. sjednici održanoj 17.02.2009. godine, usvojila je

IZVJEŠTAJ O RADU ZAJEDNIČKE KOMISIJE ZA EKONOMSKE REFORME I RAZVOJ ZA PERIOD JANUAR - DECEMBAR 2008. GODINE

Uvodne napomene

Zajednička komisija za ekonomske reforme i razvoj (u daljnjem tekstu: Komisija) Parlamentarne skupštine Bosne i Hercegovine je stalno radno tijelo. Njena nadležnost regulirana je odredbama člana 56. Poslovnika Predstavničkog doma i člana 50. Poslovnika Doma naroda ("Službeni glasnik BiH", br. 33/06, 41/06, 81/06, 91/06 i 91/07).

Na 3. sjednici Predstavničkog doma, održanoj 09.02.2007., izabrani su članovi Komisije: Bajazit Jašarević, Rifat Dolić, Azra Hadžiahmetović, Hadži Jovan Mitrović, Mehmed Suljkanović i Jovan Todorović; a na 2. sjednici Doma naroda, održanoj 16.03.2007., izabrani su: Drago Ljubičić, Rudo Vidović, Adem Ibrahimpašić, Ivo Miro Jović, Hazim Rančić i Slobodan Šaraba.

Konstituirajuća sjednica Komisije održana je 21.03.2007. godine, na kojoj je jednoglasno izabran Drago Ljubičić za predsjedavajućeg Komisije; Bajazit Jašarević za prvog zamjenika i Rudo Vidović za drugog zamjenika predsjedavajućeg.

Kolegij zastupničkog doma, na 44. sjednici, održanoj 12.02.2008. godine i Kolegij Doma naroda, na 10. sjednici, održanoj 18.02.2008. godine, donio je Rješenje o imenovanju kojim se Amer Bekrić imenuje na radno mjesto sekretara Zajedničke komisije za ekonomske reforme i razvoj. Imenovani je stupio na dužnost 03.03.2008. godine.

Odlukom o organizaciji Sekretarijata Parlamentarne skupštine BiH, u Kancelariji Komisije sistematizovana mjesta savjetnika i saradnika nisu popunjena.

Komisija je od konstituisanja radila na provođenju obaveza utvrđenih poslovnica, kao i obaveza koje su joj određene odlukama kolegija domova.

Opšti podaci o sjednicama Komisije i prisustvo sjednicama

Opštim odredbama o komisijama domova i opštim odredbama o zajedničkim komisijama oba doma utvrđenim poslovnica regulisano je: osnivanje zajedničkih komisija; broj i struktura članova komisije; dužnosti; organizacija rada; sazivanje sjednica; donošenje odluka komisije; saradnja s drugim komisijama i tijelima; metode rada; osnivanje potkomisija ili radnih grupa.

U periodu od 01.01. do 31.12.2008. Komisija je održala četiri sjednice.

Prisustvo članova sjednicama Komisije izraženo u procentima bilo je 77,00%.

Sjednice Komisije su trajale u prosjeku po 65 minuta.

Aktivnosti na sjednicama praćene su zapisnički. Zapisnike sjednica vodi sekretar Komisije prema usvojenim tačkama dnevnog reda po utvrđenoj poslovničkoj proceduri i metodologiji. U saradnji s predsjedavajućim i članovima Komisije, konačan tekst zapisnika definira se i dostavlja na lektoriranje na jezike u službenoj upotrebi u BiH.

Interna organizacija i procedure

Prema planovima aktivnosti domova iz nadležnosti Komisije, koje određuju kolegiji Predstavničkog doma i Doma naroda, predsjedavajući Komisije, u saradnji sa sekretarom, organizuje i zakazuje sjednicu s prijedlogom dnevnog reda.

Planovi aktivnosti Komisije i njenih članova utvrđuju se prema orijentacionim radnim planovima domova i orijentacionom radnom planu Komisije.

Sjednici Komisije treba da prisustvuje najmanje sedam njenih članova, uz uslov da je prisutna najmanje polovina članova iz svakog doma, kako bi mogli pravovaljano odlučivati.

Komisija odlučuje prostom većinom članova koji su prisutni i glasaju, uz uslov da ta većina sadrži jednu trećinu članova svakog doma koji su prisutni i glasaju i jednog predstavnika iz konstitutivnih naroda.

Rezultati glasanja, prijedlozi i zaključci koje Komisija usvoji, zapisnički se konstatiraju za svaku tačku dnevnog reda.

Izvještaje koje Komisija podnosi domovima priprema sekretar Komisije u saradnji s predsjedavajućim, a prema potrebi i ostalim članovima Komisije kada to nalažu određeni razlozi.

Zakonodavna aktivnost

U navedenom periodu Komisija nije razmatrala nijedan prijedlog zakona dostavljen u parlamentarnu proceduru.

Informativna aktivnost

U izvještajnom periodu Komisija je razmatrala Inicijativu Udruženja dioničara, akcionara i udjeljučara BiH s prijedlogom zaključka u pravcu donošenja: Zakona o podjeli bez naknade dionica/akcija javnih preduzeća, privatizaciji javnih preduzeća, privatizacionom registru, zajedničkom investicionom fondu (ZIF) i nacionalnom investicionom fondu (NIF) i Zakona o javnom upisu sertifikata u procesu privatizacije preostalih društvenih preduzeća

Komisija je također razmatrala Inicijativu Centara civilnih inicijativa s obrazloženjem, upućene predsjedavajućim oba doma Parlamentarne skupštine BiH, sa stavom kolegija domova.

U izvještajnom periodu Komisija je razmatrala i usvojila Izvještaj o radu Komisije za 2007. godinu i Orijentacioni plan rada za 2008. godinu.

U izvještajnom periodu Komisija je uspostavila naročito blisu saradnju sa Direkcijom za ekonomsko planiranje Bosne i Hercegovine (DEP). U tom smislu, Komisiji je prezentiran rad Direkcije za ekonomsko planiranje Bosne i Hercegovine, a Komisija je razmatrala i Konačni izvještaj o provođenju mjera iz Akcionog plana Srednjoročne razvojne strategije BiH 2004. – 2007. godine (PRSP) i Ekonomski trendovi, godišnji izvještaj za 2007. godinu Direkcije za ekonomsko planiranje BiH, te prema Domovima uputila Izvještaj o Konačnom izvještaju o provođenju mjera iz Akcionog plana Srednjoročne razvojne strategije BiH 2004. – 2007. godine (PRSP) i Ekonomski trendovi, godišnji izvještaj za 2007. godinu Direkcije za ekonomsko planiranje BiH.

Nadalje, Komisija je razmatrala Inicijative:

- a. Slavka Jovičića za zakazivanje Posebne sjednice oba Doma Parlamentarne skupštine BiH sa samo jednom tačkom dnevnog reda – Privredna i ekonomska situacija u BiH, odnosno ekonomska recesija i kolaps bankarskog sistema u mnogim državama svijeta i Europe i refleksije tog stanja na BiH, odnosno na privredu i ukupno ekonomsko stanje u ovoj zemlji;
- b. Sadika Bahtića u vezi razmatranja na sjedećoj sjednici Doma ili na Plenarnoj sjednici oba Doma sljedeće tačke „Globalna finansijska kriza, negativni efekti na ekonomiju BiH i mjere za prevazilaženje krize“,

Komisija je također razmatrala:

- Otvoreno pismo Udruženja za preduzetništvo i posao LiNK,
- Inicijativu Projekta pružanja pomoći u regulaciom i energetskom sektoru Vlade SAD – USAID/REAP za održavanje prezentacije energetskog sektora za zastupnike PSBiH.

U izvještajnom periodu održan je sastanak predstavnika Zajedničke komisije za ekonomske reforme i razvoj Parlamentarne skupštine Bosne i Hercegovine sa delegacijom Kraljevine Norveške koju su sačinjavali g. Akhtar Chaudhry, član Parlamenta Kraljevine Norveške, i Jan Braath, ambasador Kraljevine Norveške u BiH. Pripremljena je zabilješka s navedenog sastanka i ista je usvojena na 6. sjednici Komisije.

U izvještajnom periodu vođene su aktivnosti koje su trebale rezultirati održavanjem sjednice Komisije, koja je, prema planu, u cijelosti trebala biti posvećena saradnji Komisije sa Uredom za međunarodni razvoj Vlade Velike Britanije (DFID). Sjednica Komisije je, na prijedlog DFID-a, prolongirana za januar 2009. godine.

Po pozivu predsjednika Parlamenta pokrajine Baden Wurttemberg, g. Peter Strauba, upućenom Zajedničkoj komisiji za evropske integracije i Zajedničkoj komisiji za ekonomske reforme i razvoj oba doma PSBiH, za uzvratnu posjetu pokrajini Baden Wurttemberg, dana 29.05.2008. godine, povodom manifestacije „Dani Bosne i Hercegovine“ i održavanja „Prezentacije mogućnosti investiranja, saradnje i poslovanja u BiH“, koju je organizirao Generalni konzulat BiH u Štuttgartu, zajedno sa IHK (Industrijskom i trgovačkom komorom regije Štuttgart), te na osnovu zaključka donesenog na sjednici Kolegija Doma naroda Parlamentarne skupštine Bosne i Hercegovine, održane 07.05.2008. godine, u dogovoru dvije Komisije i nakon konsultacija sa Klubovima naroda, određena je delegacija Bosne i Hercegovine, koja je u periodu od 28. do 31.05.2008. godine, boravila u radnoj posjeti Parlamenu pokrajine Baden Wurttemberg, Njemačka. Ispred Zajedničke komisije za ekonomske reforme i razvoj PSBiH, delegaciju su sačinjavali g. Drago Ljubičić, gđa. Azra Hadžiahmetović, g. Ivo Miro Jović i g. Adem Ibrahimpašić.

Ostale aktivnosti

Komisija je u svom radu usvajala zaključke, koje je dostavljala u daljnju proceduru kolegijima domova.

Vezano za razmatranu Inicijativu Udruženja dioničara, akcionara i udjeličara BiH s prijedlogom zaključka u pravcu donošenja: Zakona o podjeli bez naknade dionica/akcija javnih preduzeća, privatizaciji javnih preduzeća, privatizacionom registru, zajedničkom investicionom fondu (ZIF) i nacionalnom investicionom fondu (NIF) i Zakona o javnom upisu certifikata u procesu privatizacije preostalih društvenih preduzeća, Komisija je zaključila da podrži inicijativu Udruženja dioničara, akcionara i udjeličara BiH čija je namjera bila da se zakonskim propisom definiše rješavanje privatizacije preostalih preduzeća u kojima je većinski vlasnik država, a da zakone koje predlažu razmatraju nadležne entitetske vlade i parlamenti. O zaključku su obaviješteni kolegiji domova i podnosioci inicijative.

Vezano za Inicijativu Centara civilnih inicijativa s obrazloženjem, upućene predsjedavajućim oba doma Parlamentarne skupštine BiH, sa stavom kolegija domova, nakon provedene rasprave Komisija je donijela zaključak da podržava inicijativu Centara civilnih inicijativa, koja je dostavljena na razmatranje i Vijeću ministara BiH, te da će određeni prijedlozi akcionih planova i strateški ciljevi u rješavanju ključnih problema na koje se inicijativom ukazuje biti uzeti u obzir radi sagledavanja i razmatranja na državnom nivou. O zaključku su obaviješteni kolegiji domova i podnosioci inicijative.

Vezano za prezentaciju rada Direkcije za ekonomsko planiranje Bosne i Hercegovine nakon provedene rasprave Komisija je donijela zaključak da u cijelosti podržava prezentirani rad DEP-a, stoji nas raspolaganju i inzistira na saradnji sa Direkcijom, zasnovanoj na partnerskoj suradnji u procesu pripreme i definiranja razvojnih dokumenata.

Vezano za razmatrani Konačni izvještaj o provođenju mjera iz Akcionog plana Srednjoročne razvojne strategije BiH 2004. – 2007. godine (PRSP) i Ekonomski trendovi, godišnji izvještaj za 2007. godinu Direkcije za ekonomsko planiranje BiH, Komisija je prema Domovima uputila Izvještaj koji obuhvata sljedeće zaključke:

1. Zajednička komisija za ekonomske reforme i razvoj pozitivno se izjašnjava o materijalu Direkcije za ekonomsko planiranje BiH pod nazivom: „Konačni izvještaj o provođenju mjera iz Akcionog plana Srednjoročne razvojne strategije BiH 2004 – 2007. godine (PRSP) i Ekonomski trendovi, godišnji izvještaj za 2007. godinu;
2. U dogovoru sa Direkcijom za ekonomsko planiranje BiH, biće organizovan okrugli sto, na kojem će se o navedenom materijalu raspravljati u širem kontekstu, i na koji će, osim poslanika i delegata Parlamentarne skupštine BiH, biti pozvani relevantni faktori, koji su učestvovali u pripremi, sprovođenju i monitoringu PRSP-a.
3. Nezavisno od organizacije okruglog stola, predmetni materijal biće upućen u parlamentarnu proceduru.“

Vezano za razmatrane Inicijative:

- a. Slavka Jovičića za zakazivanje Posebne sjednice oba Doma Parlamentarne skupštine BiH sa samo jednom tačkom dnevnog reda – Privredna i ekonomska situacija u BiH, odnosno ekonomska recesija i kolaps bankarskog sistema u mnogim državama svijeta i Europe i refleksije tog stanja na BiH, odnosno na privredu i ukupno ekonomsko stanje u ovoj zemlji;

- b. Sadika Bahtića u vezi razmatranja na sjedećoj sjednici Doma ili na Plenarnoj sjednici oba Doma sljedeće tačke „Globalna finansijska kriza, negativni efekti na ekonomiju BiH i mjere za prevazilaženje krize“;

Komisija je, prema Kolegijima Domova, u roku utvrđenom Poslovnici Predstavničkog doma i Doma naroda Parlamentarne skupštine Bosne i Hercegovine, uputila Mišljenje o ovim Inicijativama sa zaključcima:

1. Zajednička komisija za ekonomske reforme i razvoj pozitivno se izjašnjava i u cijelosti podržava Inicijativu g. Slavka Jovičića za zakazivanje Posebne sjednice oba Doma Parlamentarne skupštine BiH sa samo jednom tačkom dnevnog reda – Privredna i ekonomska situacija u BiH, odnosno ekonomska recesija i kolaps bankarskog sistema u mnogim državama svijeta i Europe i refleksije tog stanja na BiH, odnosno na privredu i ukupno ekonomsko stanje u ovoj zemlji; odnosno Inicijativu g. Sadika Bahtića u vezi razmatranja na sjedećoj sjednici Doma ili na Plenarnoj sjednici oba Doma sljedeće tačke „Globalna finansijska kriza, negativni efekti na ekonomiju BiH i mjere za prevazilaženje krize“;
2. U vezi inicijativa g. Slavka Jovičića i g. Sadika Bahtića, Zajednička komisija za ekonomske reforme i razvoj predlaže Zajedničkom kolegiju oba doma Parlamentarne skupštine BiH da, u skladu sa odredbama člana 94. i 95. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, broj 33/06, 41/06, 81/06, 91/06 i 91/07) i člana 87. i 88. Poslovnika Doma naroda Parlamentarne skupštine Bosne i Hercegovine („Službeni glasnik BiH“, broj 33/06, 41/06, 91/06 i 91/07), sazove zajedničku sjednicu, u čiji će se dnevni red uvrstiti pomenute inicijative, koje se mogu razmatrati kao jedna tačka. Vezano za održavanje pomenute zajedničke sjednice, Zajednička komisija za ekonomske reforme i razvoj, predlaže Zajedničkom kolegiju oba doma Parlamentarne skupštine BiH da Vijeće ministara Bosne i Hercegovine podsjeti i da urgira na ispunjenje obaveza proizašlih iz zaključaka donesenih povodom razmatranja Informacije Vijeća ministara BiH u vezi sa zahtjevom poslanika Rifata Dolića, koja je razmatrana kao 12. tačka dnevnog reda 39. sjednice Predstavničkog doma parlamentarne skupštine BiH, održane 05. i 19.11.2008. godine, a koji glase:
 - „1. Zadužuje se Vijeće ministara BiH da, u roku od 30 dana, izradi i donese strategiju za suzbijanje i ublažavanje finansijske krize i recesije i njihovih posljedica po ekonomiju i građane Bosne i Hercegovine.
 2. Zadužuje se Vijeće ministara BiH da Parlamentarnoj skupštini BiH tromjesečno podnosi Informaciju o stanju i preduzetim mjerama za suzbijanje i ublažavanje finansijske krize i recesije i njihovih posljedica po ekonomiju i građane Bosne i Hercegovine.“
3. Takođe, Zajednička komisija za ekonomske reforme i razvoj predlaže Zajedničkom kolegiju oba doma Parlamentarne skupštine BiH da, u vezi pomenutih zaključaka, dodatno uputi zahtjev Vijeću ministara BiH da, u najkraćem mogućem roku, izradi ili naruči izradu strategije za suzbijanje i ublažavanje ekonomske krize i recesije koja bi u rješavanje problema uključila sve institucije, prvenstveno na nivou države Bosne i Hercegovine (oba doma Parlamentarne skupštine BiH, Vijeće ministara BiH), te entitetske vlade i Vladu Brčko Distrikta Bosne i Hercegovine, privredne, odnosno vanjsko-trgovinske komore i sve druge pozvane, prije svega naučne institucije, a koja bi ovo pitanje tretiralo kao ekspertsko pitanje i koja bi sadržavala prijedloge mjera koje trebaju donijeti nadležne državne i entitetske institucije, sa prijedlozima realno provodivih zaključaka, njihovim nosiocima i rokovima za realizaciju. Predložena strategija bi se, prije svega, odnosila na pitanja zaštite domaće proizvodnje, mjera za smanjenje deficita, održanja domaće potrošnje, zaštite i spašavanja domaćih proizvodnih kapaciteta, sačuvanje stope zaposlenosti, pitanja PDV-a, carina, akciza, kontrole kvaliteta robe, pitanja monetarne stabilnosti (Centralna banka), te sva pitanja koja su u izvornoj nadležnosti Bosne i Hercegovine.

4. Ujedno, Zajednička komisija za ekonomske reforme i razvoj zauzima stav, da se Zajedničkom kolegiju oba doma Parlamentarne skupštine BiH predloži da sazove predmetnu zajedničku sjednicu, odmah nakon što se obezbijedi pomenuta strategija. Na sjednicu bi se, pored Predsjedavajućeg Vijeća ministara pozvali i Premijeri entiteta i Gradonačelnik Brčko Distrikta Bosne i Hercegovine.

Vezano za razmatrano Otvoreno pismo Udruženja za preduzetništvo i posao LiNK, Komisija će, prema Kolegijima Domova, uputiti odgovarajuće Mišljenje o ovim Inicijativama. Vezano za Inicijativu Projekta pružanja pomoći u regulacijom i energetske sektoru Vlade SAD – USAID/REAP za održavanje prezentacije energetske sektora za poslanike i delegate PSBiH, Komisija je, prihvatila organizaciju prezentacije energetske sektora za poslanike i delegate PSBiH koja će se održati u narednom periodu.

Rezultati rada članova Komisije

Na osnovu navedenih aktivnosti, može se zaključiti da je Komisija realizirala postavljene zadatke.

Opća procjena i sugestije

Imajući u vidu opis poslova i utvrđene poslovničke procedure, može se konstatirati da je u izvještajnom periodu došlo do povećanja aktivnosti Komisije.

Iz već definiranih i planiranih aktivnosti za naredni period, jasno je da će se povećati obim poslova Komisije, a za još uspješniji rad potrebno je konačno riješiti pitanje kancelarijskog prostora, te u što skorije vrijeme popuniti minimalno jedno upražnjeno radno mjesto.

Predsjedavajući Zajedničke komisije

Drago Ljubičić